

Utgreiings- og tilretteleggingsprosjekt 2017 - frist 15. april



(Foto: Dirk

Kohlmann / FMHO LA)

Publisert 08.02.2017

Utgreiings- og tilretteleggingsmidlane (UTM) skal bidra til auka matproduksjon, utvikling og modernisering av det tradisjonelle landbruket, herunder økologisk, og utvikling av andre landbruksbaserte næringer, som matforedling, reiseliv og Inn på Tunet (IPT).

Fylkesmannen i Hordaland har 2.9 millionar kroner til utgreiing- og tilretteleggingstiltak innan landbruk og landbruksbaserte næringer i 2017. I tillegg kjem inndregne midlar frå avslutta prosjekt.

I 2017 blir det som vanleg ei hovudsøknadsrunde med frist 15. april, og ein supplerande søknadsrunde med frist 15. oktober. [Elektronisk søknadsskjema i høgremargen.](#)

Fylkesmannen vurderer UTM-søknader i lys av Regionelt næringsprogram for landbruket i Hordaland, og på grunnlag av dialog med Innovasjon Noreg og landbruket sine organisasjonar.

Tradisjonelle produksjonar

Prioriterte produksjonar er mjølkeproduksjon, sauehald, fruktnæring og skog og tre. I 2016 gjekk det mest tilskotsmidlar til større, regionale satsingar som Mjølkeprosjektet i Hordaland og produksjon- og marknadsutvikling innanfor frukt, men det vart også løyvd til lokale tiltak og landbruksarrangement, og spesielt næringsretta forskingsprosjekt.

Tilleggsnæringar

Dei viktigaste tilleggsnæringane er lokalmat (matforedling), reiseliv (inkl. servering og opplevingar) og Inn på Tunet (grøn omsorg). Utviklingsprosjekt innan lokalmat vert særleg vurdert etter den regionale lokalmatstrategien Vegval for lokal mat i Hordaland, og også sett i lys av satsinga knytt til Bergen UNESCO Creatice City of Gastronomy, som partnerskapen vonar skal bli ein regional utviklingsdrivar for heile regionen. Aktuelle tema har vore felles produsent- og marknadstiltak, herunder lokale produsentsamarbeid og mobiliseringstiltak knytt til regional og lokale arrangement.

Ta gjerne kontakt med oss for dialog rundt søknaden!

Anna landbrukstøtte

[Midlar til investerings- og bedriftsutvikling \(IBU\)](#) er bedriftsretta midlar til bruksutbygging og -utvikling, som gardbrukarar kan søke hjå Innovasjon Noreg.

[Tilskot til rekruttering og kompetanseheving i landbruket \(RULL\)](#) skal medverke til rekrutterings- og kompetansehevingstiltak i landbruket, som og styrker verdiskapinga. Ordninga vert forvalta av Hordaland fylkeskommune. Ei viss samfinansiering kan vere aktuelt der slike tiltak heng tett saman med næringsutviklingsaspektet. Det er tett dialog mellom fylkeskommunen og Fylkesmannen i desse sakene. Søknadsfrist for RULL er også 15.april.